



## **Universitätsbibliothek Paderborn**

### **Asiaticae Historiae Societatis Iesv Pars ...**

Libris Qvatvor Conseqventibvs Pertexens, Quae post beatum S. Xauerij  
Obitum Soc. Patres ad Dei gloriam in iisdem Prouinciis gessere

**Bartoli, Daniello**

**Lvgdvni, 1667**

36. De F. Ludouico Mendez.

**urn:nbn:de:hbz:466:1-11445**

ligiosæ repulsa sancta severitas pepulit, qua videbat offendii multorum pietatem, à quibus ingestas numero grandi pecunias cum repudiaret intactas penitus, dolebant scilicet quod se parum censeret idoneos, à quibus aliquid admireret. His contentionibus insudans, animo quam nervis robustior, concidit tandem illarum sub onere, & luxata tempeste corporis, debilitate summa virium ægrotauit, ob idque à Berzeo revocatus Goam, vbi tantisper refocillatus est, concessionandi resumpsit munus, in quo pergere diu non potuit, nam profluui sanguinis violento, paucis diebus interiit: porro illinc ipsius obitum quotquot narratunt, illum admirantur, laudantque ut viris inuidendum etiam perfectæ sanctitatis. Ferream qua erat succinetus catenam, in extremis quoque non posuit. Sermo eius omnis, amore cœlestium, accensa cum Deo colloquia, & gratiarum sensus ingens, quod circum tot sibi fratrum numero adstante, comitanteque votis & precibus obiret. Singulis valedixit, supra verba seorsum singulis reliquit ad stabiliendam in vocationis proposito, & Christi obsequio illorum constantiam, & sacrosanctum Iesu nomen ut mente sic ore assidue versans vivere desit, anni 1553. Augusto mense, quem ut notant veteres literæ duobus post mensibus secutus est, medioque Octobri occubuit. Berzeo Xauerius in Sinas proficisciens hunc substituerat; ad nostrorum in India regimen; & qui tandem huic suffectus est Melchiorem Nunnium. Sit hic illi pro laudis Epigraphe, pars prior epistolæ quam de suis in Zeilano rebus, ad nos in Europam scribit vbi sui ipsius demissionem exquisitam, narrans etiam quæ illic gereret, pulchritè significat. Benedictus Deus inquit, Pater D. N. Iesu Christi, qui consolatur nos misericordia sua grandi, ut possimus quoque inuicem consolari, communicandis mutuo eius donis, & communes illi easque immensas gratias simul exsoluamus. Inter illa quibus dignari me voluit, unum est quod me ad æternas animi erga illum gratiæ testificationes inuiolatè obstringit mei scilicet immentis atque inutilis in Societatem Iesu cooptatio. Hoc nomen apud me tantum est, ut si mille mihi sint corpora & animæ totidem, non possim ijs eius obsequio insumendis, partem insolubilis nexus rependere; nam me quibuscumque benignitas afficit, haud putem hæc posse aliunde in me proficiisci, nisi ex merito, & precibus fratrum ad quorum Societatem pertineo: sit argumento quodd indignum, nec muneri parem, in has legit, duxitque nationes, ut emptas sanguine Christi Iesu ad eum animas traherem; ad hoc facultate me donavit diuidendi populis verbi sui; populos vero eius audiendi propensa voluntate; præter innumeratas opportunitates, plura promerendi, ferendi, sapiendi, & pœnitis pluribus mea expiandi peccata ut iure liceat cum sapiente profiteri. *Venerunt mihi pariter omnia bona cum illa.*

Antecesserat hos duos sub finem anni sesquimillesimi quinquagesimi secundi, F. Ludouicus Mendesius qui ferro barbarorum præcisio capiti caritatis sua promeritus est immortalem coronam. Furebat mos atrox

<sup>36.</sup>  
De F. Ludouico Mendez.

inter

inter conterminos Piscariae reges , vendendi licentibus populationes finitimarum debilium , velut foret haec depraedatio , seposita quædam re- gibus venandi potestas , vendebaturque conceptis ad pretij , & præda- rum mensuram diplomatis . His regum muniti literis emptores , pe- stem conductebant latrocinantium , armatique hunc modo , inde alium , atque alium ex confinibus pagum repente inuadebant , direpto eo , ac dilacerato , in ditionem Regis sui concedebant , diuidebantque cum illo grassationis suæ prædam . Docebat Mendez Christiana mysteria in pago Piscariae frequenti , cuius incolæ infestos Badagarum incursus pacto tributo redemerant . Sed hic pagus accepta quam dixi prædandi copia , in caput latronum parauit irrumpere à quo fuerat expilatus ; ergo incolæ pagi hanc sibi ab latronibus illataim apud Badagas queruntur iniuriam ; indignantur Badagæ tributarios suos nulla sui habita ratione pessime habitos ; arma capiunt , & Christianis præsidiariis exscendunt è monti- bus , latrones occupant securos & incustoditos magnamque de iis stra- gem edunt . Rex prædationis quam vlciscebantur nundinator cuius fa- cultate susceptra fuerat , ira fremens , inferre Badagis validioribus vin- dictam non ausus , in Christianos illam vertit , quorum exciti querelis Badagæ latrocinij emptores peremerant . Pagum igitur de media nocte , magno numero , magnis ad necem vocibus ingressi bacchantur in ple- bem , & primores , promiscua cæde ; horum clamor in fugam , & tem- plum alios compellit haud quidem hostilem inhibituros barbariem , sed futuros in Dei manibus ad vtrumque , seu vivere seu mori oportenter . Noctem illam precando Mendez sacra in æde traducens , excipit fu- gientes , erigit consolatur , vt poscebat , & dabat summi periculi grau- tas . Verum hostis , concursu asylum captantes prospiciens , eo conuolat præceps , & multitudinem confertam aggredi veritus , lignorum strue templum cingit , omnes uno incendio perditurus . Hic Mendez pro fo- ribus militi obuiare , rogare , suppplex erga Dei domum , erga tot insontes , pueros ferme , feminas , & causæ ignaros quæ vindicabatur , in crudel- scere ne vellent : quæ dum orat , ferrum precantis fauibus barbarus im- mergit , eumque deñicit , mox ferro eodem latus fudit , & caput demum palpitantis adhuc & spirantis absindit . Pancorum quos primus hostium furor obuios habuit pars cæsi , pars saucij . Victores triumphabundi ad Regem suum , Ludouici Mendez rescissum caput ferunt , quartum an- num agebat inter Indos , Coulani tres cum P. Lancilloto desudarat ; in ora Piscaria quartum ; cuius non plus quinque , & viginti diebus in pa- go vbi occubuit .

ASIÆ

